



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.

N 91/514

19.08 2021թ.

Արթուր Կարենի Գևորգյանին  
Շիրակի մարզ գ. Սառնաղբյուր 3-րդ փ. 3տ.

Ուղարկում եմ ՀՀ ոստիկանության պարեկային ծառայության վարչական  
իրավախախտման վերաբերյալ գործով 19.07.2021թ. կայացված թիվ ՊԾ 000501 որոշումն  
անվավեր ճանաչելու մասին որոշումը:

Առդիր՝ որոշումը <<3>> թերթ:

Հարգանքով՝

**ՊԵՏ,  
ՈՍՏԻԿԱՆՈՒԹՅԱՆ ԳԼԴԱՊԵՏ՝**

**Ա.ՈՒՄՐՇԱՏՅԱՆ**

կապարող՝ ՀՀ ոստիկանության պարեկային ծառայության  
իրավաբանական բաժանմունքի պետ Հ. Իսահակյան, 010-30-42-02

## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 19.07.2021թ. կայացված թիվ ՊԾ 000501 որոշումն անվավեր ճանաչելու մասին

19.08.2021թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշարյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի հիմքով, վերանայելով 19.07.2021թ. կայացված թիվ ՊԾ 000501 որոշումը՝

## Պ Ա Ր Զ Ե Ց Ի

2021 թվականի հուլիսի 26-ին ՀՀ ոստիկանության պարեկային ծառայության Երևան քաղաքի գնդի վարչական գործունեության բաժանմունքի պետ, ոստիկանության կապիտան Հայկ Ներսիսյանը զեկուցագիր է ներկայացրել, որ ՀՀ ոստիկանության պարեկային ծառայության Երևան քաղաքի գնդի 1-ին գումարտակի 2-րդ վաշտի ավագ պարեկ Ժորա Հակոբյանը 2021 թվականի հուլիսի 19-ին տրանսպորտային միջոցի վրա առանց համապատասխան թույլտվության կարմիր ու կապույտ լուսային ազդանշանով առկայծող փարոսիկներ տեղադրելու համար Արթուր Կարենի Գևորգյանի նկատմամբ կազմել է վարչական իրավախախտման վերաբերյալ արձանագրություն և կայացրել թիվ ՊԾ 000501 որոշումը՝ տուգանելով 200.000 ՀՀ դրամ գումարի չափով, մինչդեռ <<Վարչական իրավախախտումների վերաբերյալ>> ՀՀ օրենսգրքի 123.1-րդ հոդվածի 2-րդ մասը, որը պատասխանավորություն է նախատեսում վերոգրյալ իրավախախտման համար, առաջացնում է տրանսպորտային միջոցներ վարելու իրավունքից զրկում՝ մեկ տարի ժամկետով:

<<Վարչական իրավախախտումների վերաբերյալ>> ՀՀ օրենսգրքի 123.1-րդ հոդվածի 2-րդ մասի համաձայն՝ առանց համապատասխան թույլտվության տրանսպորտային միջոցների վրա կարմիր և (կամ) կապույտ լուսային ազդանշանով առկայծող փարոսիկներ կամ հատուկ ձայնային ազդանշաններ արձակելու սարքավորումներ տեղադրելը, ինչպես նաև օպերատիվ ծառայությունների տրանսպորտային միջոցների համար նախատեսված գունազնապարկերն են օգտագործելը (նմանեցնելը)՝ առաջացնում են տրանսպորտային միջոցներ վարելու իրավունքից զրկում՝ մեկ տարի ժամկետով, իսկ տրանսպորտային միջոցներ վարելու իրավունք չունեցող անձի նկատմամբ՝ տուգանքի նշանակում՝ սահմանված նվազագույն աշխատավարձի երկուհարյուրապարիկի չափով՝ բոլոր դեպքերում առկայծող փարոսիկների և հատուկ ձայնային ազդանշաններ արձակելու սարքավորումների բռնագրավմամբ:

Վարչական իրավախախտման արձանագրման պահին Արթուր Գևորգյանն ունեցել է RJ284264 համարով վարորդական իրավունքի գործող վկայական:

<<Վարչական իրավախախտումների վերաբերյալ>> ՀՀ օրենսգրքի 281-րդ հոդվածի 2-րդ պարբերությունը սահմանում է, որ վարչական իրավախախտման գործի որոշումը պետք է պարունակի՝ այն ընդունած մարմնի (պաշտոնապար անձի) անվանումը, գործի քննության ժամանակաթիվը. տեղեկություններ այն անձի մասին, որի վերաբերյալ քննվում է գործը. գործի քննության ընթացքում հաստատված հանգամանքների շարադրանքը, տվյալ վարչական իրավախախտման համար պատասխանատվություն նախատեսող նորմատիվ ակտի նշումը. գործի վերաբերյալ ընդունված որոշումը:

<<Վարչարարության հիմունքների և վարչական վարույթի մասին>> ՀՀ օրենքի 56-րդ հոդվածի 1-ին մասի համաձայն՝ վարչական ակտը պետք է ձևակերպվի հստակ և հասկանալի:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնապար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ոստիկանության պարեկային ծառայության Երևան քաղաքի գնդի 1-ին գումարտակի 2-րդ վաշտի ավագ պարեկ Ժորա Հակոբյանը 2021 թվականի հուլիսի 19-ի թիվ ՊԾ 000501 որոշումն ընդունել է օրենքի սխալ կիրառմամբ, այսինքն՝ ընդունել է ոչ իրավաչափ վարչական ակտ, որը վերոնշված հիմքերով ենթակա է անվավեր ճանաչման և բեկանման:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

### **Ո Ր Ո Շ Ե Ց Ի**

1. ՀՀ ոստիկանության պարեկային ծառայության վարչական իրավախախտման վերաբերյալ գործով 19.07.2021թ. կայացված թիվ 000501 որոշումը ճանաչել անվավեր:
2. Որոշման պատճենը երեք աշխատանքային օրվա ընթացքում հանձնել Արթուր Կարենի Գևորգյանին:
3. Որոշման պատճենը հանձնել ՀՀ ոստիկանության պարեկային ծառայության Երևան քաղաքի գունդ՝ ի տնօրինություն, ինչպես նաև լուծելու առկայծող փարոսիկների վերադարձման հարցը:

4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

ՀՀ ոստիկանության պարեկային ծառայության պետ,  
ոստիկանության գնդապետ՝



Ա. Ումրշարյան

